

मॉर्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- प्रधानमंत्री नरेन्द्र मोदी होर अज्ज 10एं राज्यें ते द'ऊं केन्द्र शासित प्रदेशों दे 50 ज्हार ग्राएं च स्वामित्य योजना तैहत जैदाद दे मालकें गी वीडियो कांफ्रेंस राहें 65 लक्ख कोला मते जैदाद सरबंधी कार्ड बंडडडन।
- उपमुख्यमंत्री सुरिंदर चौधरी होरें शालामार अस्पताल दा दौरा लाया। उनें आखेआ जे सरकार रजौरी च होई दिएं रहस्यमयी मौतें दी वजह दा पता लाने लेई हर मुमकन जतन करै करदी ऐ।
- शिक्षा मंत्री सकीना इत्तू होरें आखेआ ऐ जे सरकार, इक ऐसी शिक्षा प्रणाली स्थापित करोग जेहड़ी समावेशी, शोध पर केन्द्रित ते वैश्विक मानकें कन्नै तालमेल बनाइयै रक्खै।
- विज्ञान ते टेक्नोलाजी मैहकमे दे मंत्री सतीश शर्मा होरें जम्मू-कश्मीर ई-गवर्नेंस एजेंसी दे कम्मकाज दा जायजा लैता।
- मुख्य सचिव अटल डुल्लु होरें सुचेतगढ़ ते घराना वैंटलैंड आहली थाहरें पर सैलसफा दे बाददे-विस्तार आहली गतिविधिएं दी समीक्षा कीती।

<><><><><><>

PM-Svomitva Scheme

प्रधानमंत्री नरेन्द्र मोदी होर कल 10एं राज्यें ते द'ऊं केन्द्र शासित प्रदेशों दे 50 ज्हार कोला मते ग्राएं च स्वामित्व योजना तैहत जायदाद दे मालकें गी वीडियो कांफ्रेंसिंग राएं 65 लक्ख कोला मते जायदाद सरबंधी कार्ड बंडगन। एह स्कीम प्रधानमंत्री हुंदे आस्सेआ शुरू कीती गई ही, एहदा मकसद उन्नत ड्रोन तकनीक राएं तैआर जायदाद दे रिकार्ड दा अधिकार मुहैया करियै ग्रामीण भारत दे आर्थिक विकास च बाद्धा करना ऐ। हुनै तोड़ी 3 लक्ख 17 ज्हार कोला मते ग्राएं च ड्रोन सर्वेक्षण दा कम्म पूरा होई गेआ ऐ। तैय रक्खे गेदे लक्ष्य दा 92 फीसदी लक्ष्य हासल करी लैता गेदा ऐ। इक्क लक्ख 53 ज्हार कोला मते ग्राएं लेई तकरीबन 2 करोड़ 25 ज्हार जायदाद सरबंधी कार्ड तैयार करी लैते गेदे न।

जायदाद सरबंधी कार्ड जायदाद मुतल्लक मुद्रीकरण दी स्थूलत देने दे कन्नै बैंक सवां कर्जे दे राएं संस्थागत कर्जे तोड़ी पुज्ज गी सौक्खा बनांदा ऐ। एहदे अलावा एह जायदाद मुतल्लक विवादें च कमी करदा ऐ ते ग्रामीण इलाकें च बेहतर जायदाद मूल्यांकन ते जायदाद सरबंधी टैक्स ग्राही च सहयोग बी दिंदा ऐ।

<><><><><><>

Dy. CM Shalamar Hospital

उपमुख्यमंत्री सुरिन्द्र चौधरी होरें राजौरी दे बडहाल ग्रां च रहस्यमयी बमारी कन्नै पीड़ितें दी सेहत बारे पुच्छ गिच्छ करने लेई कल सरकारी अस्पताल शालामार दा दौरा लाया। इस मौके पर उपमुख्यमंत्री हुंदे कन्नै बुद्धल दे विधायक जावेद चौधरी ते होरने वरिष्ठ अफसर बी मजूद हे। उत्थें अस्पताल प्रशासनउ ते मैडिकल अमले कन्नै गल्लबात करदे होई उपमुख्यमंत्री होरें आखेआ जे सरकार इनें रहस्यमयी मौतें दे कारणें दा पता लाने लेई पूरी चाल्ली कोश्ट करा'रदी ऐ। उनें अस्पताल प्रशासन गी पीड़ितें गी हर जरूरी मैडिकल सहूलत उपलब्ध करोआने दा निर्देश दित्ता। इस दौरे दे बक्ख-बारे मीडिया कन्नै गल्लबात करदे होई उपमुख्यमंत्री होरें आखेआ जे सरकार नै राजौरी च होई दी इनें रहस्यमयी मौतें दे कारणें दा पता लाने लेई जरूरी निर्देश जारी करी दित्ते न ते पुलस गी बी निर्देश दित्ता गेआ जे जेकर जांच च कुसै गड़बड़ी लेई पता चलदा ऐ उंदे खलाफ पक्क गै कारवाई कीती जाग। इस मौके पर उपमुख्यमंत्री सुरिन्द्र चौधरी होरें आखेआ.....

<><><><><><>

Education Minister

समाज कल्याण ते शिक्षा मंत्री सकीना इत्तू होरें कल श्री पंडित प्रेमनाथ डोगरा सरकारी डिग्री कालेज सांबा च गणित, विज्ञान ते अनुप्रयोगें सरबंधी 2 दिनें दे राष्ट्रीय सम्मेलन दा उद्घाटन कीता। इस मौके पर उनें किट्ठ गी संबोधत करदे होई शिक्षा दे बदलाव आले समर्थ उप्पर लोह पाई ते इनें सम्मेलनें दी सराहना बी कीती। मंत्री होरें आखेआ जे इस चाल्ली दे सम्मेलन विचारें दे आदान प्रदान, शोध गी बढ़ावा देने ते लोकें गी किट्ठे इक मंच पर आन्नने लेई इक बेहतर मंच उपलब्ध करोआंदे न। जेहदे कन्नै खित्ते दी शैक्षणिक तरक्की च योगदान थहोंदा ऐ। इस मौके पर शिक्षा मंत्री होर शिक्षा ते शोध गी बेहतर बनाने लेई सरकार दी प्रतिबद्धता गी फही पक्का कीता। उनें आखेआ जे बुनियादी ढांचे गी मजबूत करने, सिखलाई दे नमें तरीके गी शुरू करने ते अंतर विषय शोध गी बढ़ावा देने लेई सरकार आस्सेआ पैहलकदमियां रंभियां गेदियां न ते इक ऐसी शिक्षा प्रणाली दी कल्पना करांदी ऐ जेहड़ी समावेशी, शोध पर केन्द्रित ते वैश्विक मानकें कन्नै तालमेल बनाई रक्खै।

<><><><><><>

LG Book Release

उपराज्यपाल मनोज सिन्हा होरें कल दूरदर्शन समाचार जम्मू आस्सेआ विधानसभा चुनाएं दरान कीते गेदे जतनें पर कॉफी टेबल बुक जारी कीती। यानि इक ऐसी कताब जेहदे च तस्वीरें राएं व्यापक जानकारी दित्ती जंदी ऐ। उपराज्यपाल होरें इस मौके पर दूरदर्शन दी संपादक टीम गी बधाई दित्ती ते इस खित्ते दे लोकें च चुनां प्रक्रिया बारे जानकारी बनाने लेई उंदे समर्पण ते प्रतिबद्धता दी सराहना कीती। इस प्रकाशन च दूरदर्शन समाचार जम्मू आस्सेआ चुनाएं दरान कीते गेदे हीलें गी तसवीर राएं उजागर कीता गेआ ऐ जेहदे च सोशल मीडिया पोस्ट राएं जागरूकता अभियान, स्वीप तैहत मतदाताएं गी शिक्षित करने ते चुनाएं च हिस्सा लैने सरबंधी नागयकता अभियान शामिल न। इस मौके पर दूरदर्शन समाचार जम्मू दे क्षेत्रीय प्रभारी विवेक पाठक होरें उपराज्यपाल होरें गी समाचार एकांश आस्सेआ पैहलकदमिं ते उपलब्धिं बारे जानकारी दित्ती।

<><><><><><>

Announcement

आकाशवाणी जम्मू दे खेत्तरीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक जेदी उमर 24 थवां 50 बरें दे बश्कार ऐ ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च 2 बरें दा अनुभव होना लोड़चदा। मेदवार गी कम्प्यूटर खबर बनाने, मीडिया कवरेज दा अनुभव सने सरबंधी लोड़चदे उपकरण दा इस्तेमाल बी करना आना चाइदा। आवेदक जिला सदर दफ्तर दी 10 किलोमीटर दी हद दे दे अंदर—अंदर रोहंदा होना चाइद। दरखास्त ते लोड़चदे दस्तावेज दी कॉपी मेदवार गी खेत्तरीय समाचार एकांश आकाशवाणी पंजतीर्थी जम्मू पिन कोड 18000 पर 15 फरवरी 2025 थवां पैहले—पैहले आइए जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पद पर उपलब्ध ऐ।

<><><><><><>

Minister Satish

जम्मू कश्मीर दे विज्ञान ते प्रौद्योगिकी मंत्री सतीश शर्मा होरें कल जम्मू कश्मीर ई—गवर्नेस एजेंसी दी कम्मकाज दी समीक्षा कीती। अजेंसी गी जम्मू कश्मीर च ई—गवर्नेस परियोजनाएं गी डिजाइन करने जे उंदे प्रबंधन दा कम्म सौंपेआ गेआ ऐ। बैठक च अजेंसी दे मुख्य कारजकारी अधिकारी होरें मंत्री होरें गी पॉवर पोआइंट पेशकारी राएं अजेंसी दी भविष्य लेई परियोजनाएं ते माली उपलब्धिं बारे जानकारी दित्ती। उनें अगगे जानकारी दित्ती जे इस अजेंसी दा मुख्य मकसद जरूरी प्रशासनिक माली कनूनी ते तकनीकी समर्थन उपलब्ध करोआइयै ई—गवर्नेस परियोजनाएं दा प्रबंधन करना ऐ।

इस मौके पर मंत्री होरें गी भविष्य दिएं परियोजनाएं बारे अवगत करोआया गेआ जिंदे च अस्पतालें गी स्वचलित करने सरबंधी परियोजना स्वॉन 2.0 सिविल सचिवालय ते विधानसभा परिसर लेई नेटवर्क सरबंधी LAN सैटअप ते होर दुइएं परियोजना शामिल हियां।

<><><><><><>

CS-Gharana

मुख्य सचिव अटल डुल्लु होरें जम्मू संभाग च घराना वैटलैंड ते सुचेतगढ़ गी लोकप्रिय सैलानी थाहरें दे तौर उपपर विकसित करने लेई तोढ़ चाढ़ी जा करदी गतिविधिएं दा जायजा लैने आस्तै कल इक बैठक सददी। सुचेतगढ़ आहली सरहदी सैलसफा थाहरै पर सैलानिं दी गिनतरी बधाने लेई मुख्य सचिव होरें उत्थे उपलब्ध सुविधाएं च होर बाददा करने दे निर्देश दित्ते। उनें उत्थे सुददी गिनतरी च लोकें दे बौहने दी बवस्था आह्ला इक खास पैविलियन बनाने लेई तपसीली प्रोजेक्ट रिपोर्ट तैयार करने गितै आखेआ। एह्दे अलावा उनें बीएसएफ दे अधिकारिं गी आखेआ जे ओह् उत्थे इक अजैबघर स्थापित करोआन जित्थे लोकें गी 1965 ते 71 दिं जंगें दरान स्हाड़े जवानें आसेआ दस्से गेदे पराक्रम बारै पता लग्गी सकै। मुख्य सचिव होरें फौज आसेआ गुलमर्ग ते अखनूर च बनाए गेदे अजैबघरें दी तर्ज उपपर एह् अजैबघर स्थापित करने लेई आखेआ।

<><><><><><>

PM Mann Ki Baat

प्रधानमंत्री नरेंद्र मोदी होर अपने माहवार रेडियो कार्यक्रम 'मन की बात' दे राएं कल 19 जनवरी गी अपने विचार, देश-विदेश च रौहने आहले श्रोताएं कन्नै सांझे करडन। उ'आं ते एह् प्रोग्राम म्हीने दे अखीरले ऐतवारें दिनै 11 बजे प्रसारित होंदा ऐ पर ऐकती खीरी ऐतवार 26 जनवरी होने करी, एह्दा प्रसारण इक हफ्ता पैहले कीता जा'रदा ऐ। एह् इस कार्यक्रम दी 118मीं किश्त होग। एह्दा प्रसारण आकाशवाणी ते दूरदर्शन दे समूलचे नेटवर्क उपपर कीता जाह्ग। एह्दे अलावा प्रधानमंत्री हुंदे दफ्तर, सूचना ते प्रसारण मंत्रालय ते आकाशवाणी ते दूरदर्शन दे यूट्यूब चैनलें पर बी एह्दा लाईव प्रसारण होग। आकाशवाणी पर एह्दे हिंदी प्रसारण दे तुरत मगरा इलाकाई भाषाएं च एह्दा अनुवाद बी प्रसारित कीता जाह्ग।

<><><><><><>

Shamim Akhtar Passed Away

आकाशवाणी जम्मू च गोजरी भाशा दिआं इक वरिष्ठ प्रसारक शमीम अख्तर हुंदा जंदी रातीं काल होई गेआ ऐ। ओह पिच्छले किश चिरै थमां कसरी चलै करदिआं हिआं। शमीम होर पिच्छले केई तकरीबन द'ऊं दहाकें थमां आकाशवाणी जम्मू कन्नै जुड़ी दिआं हिआं। उंदा नमाज-ए-जनाजा अज्ज दपैहरी ढाई बजे गुज्जर नगर जम्मू आह्ले कब्रिस्तान च होग।

<><><><><><>

Cooperative Ramban

रामबन जिले च सहकारिता विभाग ओने आले दिनें च बक्ख-बक्ख प्रदर्शनिएं ते कार्यक्रमें दा आयोजन करा'रदा ऐ जेहदा मकसद सरकारी कर्मचारिएं सनें बक्ख-बक्ख संसीएं दे मुत्तलका धड़ें दी शमूलियत जकीनी बनाना ऐ तां जे मकामी लोकें गी सशक्त बनाने ते आत्मनिर्भता गी बढावा दित्ता जाई सकै। इस मौके पर रामबन दे सहकारी विभाग दियां डिप्टी रजिस्ट्रार प्रियंका शर्मा होरें आखेआ.....

<><><><><><>